


Sa pazina 'e sa poesia

de Basiliu Carta e Antonio Puddu



Po Antoni Puddu

de Basili Carta

Nara, Antoni Puddu, coment' istas?
 Innoghe no che nd' at de nova mala,
 ma, a da ghi mi orto a dogni ala,
 cantas buzaccas boidas, caras tristas!

Finìos sos tempos de sas bacas rassas
 Tra gherras zustas e armas proebias.
 Abbàrran solu custas poesias
 E signor Silvio chi abbassat sas tassas.

Bisu chi ti torro custa isorta,
 cani Antoni, e' at pagu ite nere
 in custa Italia nostra mesu morta.

Rimas prus déchidas ti cheria iscrìere,
 chissai siat pò s' atera orta.
 Po como ti saludo, a menzus bìere!

PANIFICIO F.LLI CARTA & C.

 distribuzione in tutta la Sardegna e Penisola

Produzione pane tipico sardo

Specialità Spianata sarda

Via del Pozzo 5, - 09076 SEDILO (OR)
 Tel. 0785.59587/59107 - Fax 0785.59587

**RISTORANTE
PIZZERIA**

Da Armando

S.S. 131 DCN, Km 13 - 09076 SEDILO (OR)
 Tel. 0785.568043 - Cell. 328.3847607

A Basili Carta

de Antoni Puddu

Non mi so, cani Asili, ismentigadu
de rispondere a su saludu tou
e a sa poesia chi mi as mandadu.

Novas bonas mi mandas dae nou,
calchi oriolu lamentas ebbia,
ma ognunu, ischis, peleat su sou.

Carimannu so e custa cara mia
mi teves abberu perdonare,
si mi permitto a mutire poesia

custos versos chi non poden belare.
Non mi àmana sas musas d' Elicona
ne simpatia mi cherene dare.

Dae ora la chilco s' abba ona
de Aganippe, sena esitu perunu,
e vagabundo tristu in cussa zona

cun milli versos chi non balen unu.
Lèzelos a mente, o a boghe bassa,
non t' intendada abortas calecunu.

Buffo a sa salute e arzo sa tassa,
ca sos versos tuos cun maestria
isboligan bene sa matassa.

Lezo in sa tua poesia
pistighinzos chi tottu condivido
de tristura pienos e ironia.

Deo puru inoghe già nde ido
zente seria cun sa cara affranta,
anzis cun seguresa ti confido

in medas lettos est curza sa manta,
e si in bidda pigades frittore
inoghe lompe sa frebba a baranta!

Su malu est chi non e' at dottore
chi si leat de nos curare pistighinzu.
Sos politicos chi moven su motore,

usan sa zente e faghen iscrinzu:
promittin pò fagher paris su viazu
bottinos fines, ma ti zan cosinzu.

Non perdimos, Basili, su corazu!
Isperamos de torrare a riere
a sa fine est solu unu passazu.

Non ti cherzo istraccare e de iscriere
la fino. Est sero de Santu Larentu
e nontesta, non ti ponzas a riere,

abbàido a su chelu, e in su momentu
chi ruen sas istellas, disizos vanos
fatto, e mi che ormo cuntentu.

Parentes mi saluda e paesanos,
non ti nomino ne custu, ne cuddu.
Cun s' auguriu de nos bider sanos
ti saludo cun affettu, **Antoni Puddu**.

Torino 10/08/2004

